

# TSWVYIM LOS NTAWM VAJ NTSUJPLIG

## Spiritual Gifts

---

**Zajqhia 3 – Loo 12:1-8**

### **Tswvyim Ntawm Vaaj Ntsujplig Tsis Yog Ua Kom Peb Khavtxiv**

Peb cov neeg Axias tus coojpwm mas cov tuav meejmom siab, cov tswv rau tej lagluam loj, thiab tej tubrog nrog rau tej tub ceevxwm mas siv muabhlob thiab siv hwjchim heev. Lawv hais lus rau lwm tus mas hais cuag li lawv thiaj yog neeg hos lwm tus mas zoo li tej tsiaj. Lawv tej lus hais thiab tus cwjpwmm mas ntxim zoo li lawv yuav tsis txawj poob meejmom, tsis txawj mob, tsis txawj pluag, tsis txawj laus thiab tsis txawj tuag. Cov neeg Loo kuj coj tus cwjpwmm zoo li peb cov neeg Axias thiab. Thaum lawv twb los ntseeg Vajtswv lawm los lawv tseem coj tus cwjpwmm li neeg ntiajteb. Thaum Vaj Ntsujplig pub lawv tau tej tswvyim tshwjxeeb los pab cov ntseeg ces lawv txawm siv tej tswvim ntawd los khavtxiv thiab muab lawv piv rau tus ub tus no.

Yogli, Vajtswv tus Timthawj Polaus thiaj sau phau ntawv Loo no mus ntuas lawv. Nyob rau ntawm tshooj 12 yog nws ntuas lawv txog lub neej tshiab. Nyeem kom tag nqe 1 rau nqe 8 ib lwm uantej koj teb cov lus nug. Thaum teb cov lus nug, koj ua twbzoo rovqab los nyeem tej nqe uas dhos rau lo lus nug ntawd.

1. Nyeem Loo 6:13 thiab Loo 12:1. Hauv Vajluskub Qub mas Vajtswv kom cov neeg Yixalayeas muab tsiaj tua hlawv fij rau Vajtswv. Txhais tau hais tias lawv fij tus tsiaj tuag rau Vajtswv. Tabsis tomqab Tswv Yexus los theej peb txhoj lawm, yam khoom fij ciaj sia uas peb yuav muab fij rau Vajtswv yog dabtsi?

---

---

---

2. Nqe 2. Qhov uas cov ntseeg Tswv Yexus nimno pheej ua tsis tau haum Vajtswv siab yog vim peb ua neej li cas?

---

---

---

3. Nqe 3. Qhov uas peb tseem pheej xav li neeg ntiajteb xav thiab ua li lawv ua yog dabtsi?

---

---

---

4. Nqe 4-5. Tabsis thaum peb los ntseeg Tswv Yexus lawm, ib tug tsis zoo tshaj los tseemeb tshaj ib tug lawm vim peb los zwm ua dabtsi?

---

---

---

5. Nqe 6-8. Vaj Ntsujplig pub rau peb nyias muaj nyias tswvyim. Koj teev kom tagnrho cov tswvyim uas Vaj Ntsujplig muab ntawd rau ntawm no thiab qhia mentsis saib tus tau lub tswvyim twg yuav siv lub tswvyim ntawd li cas?

(1)	_____	_____
(2)	_____	_____
(3)	_____	_____
(4)	_____	_____
(5)	_____	_____
(6)	_____	_____
(7)	_____	_____

6. Ntawm 7 lub tswvyim no, koj ntseeg tias koj tau lub tswvyim twg? Thiab tamsim no koj siv lub tswvyim ntawd li cas pab pawg ntseeg?

---

- 
- 
7. Lub tswvyim uas Vaj Ntsujplig muab rau yus mas zoo li rab riam los rab txuas uas yus yuavtsum siv ua haujlwm mas yus thiaj txawj zujzus tuaj. Thiab yam li rab riam rab txuas uas yus yuavtsum coj mus hov thiab mas thiaj ntse thiab ua tau haujlwm zoo. Pajlug 27:17 qhia koj li cas?
- 
- 
- 

Cov tswvyim (khoom plig – spiritual gifts) uas Vajluskub Tshiab teev meej rau peb ces yog peb tshooj uas peb twb kawm los lawm, xwsli: 1 Kaulithaus 12:1-11; Efexaus 4:1-16; thiab Loo 12:18. Muaj tsib yam tseemceeb rau peb nco yog li no:

- (1) Tsis muaj ib tug ntseeg uas tau txais tagrho cov tswvyim no.
- (2) Tsis muaj ib tug ntseeg uas yuav kebtuas tau hais tias nws tsis tau txais ib yam tswvyim ntawm Vaj Ntsujplig li.
- (3) Lub tswvyim uas Vaj Ntsujplig muab rau yus yog kom yus siv pab lwm tus, tsis yog siv ua chaw kavtxiv.
- (4) Txhua lub tswvyim uas Vaj Ntsujplig muab puavleej tseemceeb ib yam, tsis muaj ib lub tseemceeb dua lwm lub. Txhob muab sib piv thiab sib thuam.
- (5) Vaj Ntsujplig yog tus txiav txim siab muab lub tswvyim twg rau yus ces yus tsuas tau lub tswvyim ntawd xwb. Yus taij lwm lub los yeej tsis tau.